



ANAONSMEN BLONG VEKENSİ - READVERTISEMENT

Ministri blong Foren Afea, Intenasonal Koperesen mo Ekstenol Tred (MoFAICET) i stap lukaotem olgeta ni-Vanuatu sitisen we oli intres blong aplae blong sev insaed long Foren Sevis blong Ripablik blong Vanuatu.

POSISEN I OPEN LONG: Evri ni-Vanuatu sitisen we oli intres mo oli gat kwalifikesen
POSISEN: Ambasada - Tokyo, Japan
OLGETA WOK: Bambae Ambasada i karemaot olgeta wok we i stap daon ia:

- Ripresentem Ripablik blong Vanuatu long Japan mo promotem ol diplomatik rilesen bitwin tufala gavman mo ol pipol blong tufala kaontri, folem ol foren polisi praeoriti mo ol nasenol intres blong Vanuatu.
- Provaedem stratejik lidasip, manejmen, mo supavisen blong Embasi blong Ripablik blong Vanuatu long Tokyo, inkludum risponsibiliti blong gudfala administresen blong ol staf, faenans, aset, mo operesen blong Misen folem Public Finance and Economic Management Act (Cap 244) mo ol narafala loa mo polisi long ol eria olsem;
- Protektem mo promotem ol intres blong Ripablik blong Vanuatu mo ol pipol blong hem, inkludum ol individuol mo ol koporet bodi long ol eria nomo we intanasenol loa mo diplomatik praktis i alaoem;
- Promotem mo negosietem, mo bildimap politikal, ekonomik, tred, investmen, kaljurol, saentifik, mo ol developmen intres blong Vanuatu insaed long ol eria we Vanuatu i gat ofisol diplomatik risponsibiliti long hem mo olgeta we oli bin agri finis blong wok tugeta;
- Monitarem, analaesem mo ripotem ol stret politikal, ekonomik, sosol, mo rijenol developmen long Ministri blong Foren Afea, Intanasenol Koperesen mo Ekstenol Tred mo ol narafala laen ejensi;
- Promotem Vanuatu mo presens blong Embasi long Japan mo ol narafala eria we oli akseptem mo i gat ofisol arenjmen blong wok tugeta, inkludum developmen blong ol stratejik patnasip mo ol fremwok blong ekonomik, kaljurol, edukesenol, teknolojikol, mo saentifik koperesen;
- Faenemaot mo fasilitetem ol opotuniti we oli kontribuit long sosio-ekonomik mo sastanebol developmen blong Vanuatu, inkludum investmen, turisim, leba mobiliti, tred, mo developmen koperesen.
- Priperem ol anuol wok plan mo givim ol kwota mo anuol ripot long stret taem long Minista mo Daerekta Jenerol, long saed blong ol aktiviti, ajivmen, jalenj, mo ol opotuniti we i kamap blong Misen, mo;
- Setemap mo holemtaet ol gudfala rilesensip blong wok wetem ol gavman otoriti, diplomatik misen, rijenol mo intanasenol oganaesesen, developmen patna, praevet sekta, mo ol sivil sosaeti oganaesesen. Mekem eni narafala diuti we Daerekta Jenerol i givim long hem, folem ol loa, polisi mo pefomens agrimen.

OL TEM & KONDISEN:

Taem Ambasada hem i tekem apoenmen blong hem, hem i mas:

- Manejm gud ol aset mo risos blong Misen folem ol polisi mo faenansol prosija blong Gavman;
- Folem oltaem wetem Konstitusen, ol Foren Seves Akt mo Gavman polisi mo instraksen, ol tem blong emploemen kontrak, mo pefomens agrimen we oli apruvum mo ol stret lejislesen fremwok blong Ripablik blong Vanuatu;
- Holemtaet mo folem ol hae standat blong wok profesenol, long tru fasin mo mekem stret samting oltaem, kipim samting i sikret, stap niutrol, mo akt diplomatik taem hem i stap karemaot ol ofisol wok blong hem;
- Givim ful profesenol atansen long ol risponsibiliti blong ofis mo no pat long eni aktiviti o mekem eni samting we bae save gat konflik wetem ol diuti blong posisen ia.
- No givimaot o letem pablik i save, hemia long taem blong nominesen blong hem (be bae hem i save mekem nomo sipos wok blong hem i alaoem hem blong mekem), eni infomesen sipos:
 - Infomesen hem i long saed blong eni isiu blong nasenol sekiuriti o loa i protektem mo;
 - Hem i kam blong save infomesen ia long taem we hem i stap mekem wok blong hem olsem Ambasada.

KRAETERIA WE OLI WANTED:

Blong tekemap posisen blong Ambasada, man we i aplae hem i mas:

- Wan sitisen blong Vanuatu (ekskludum olgeta anda long ol sitisensip program), we i gat plante eksperiens long saed blong manejem wan institusen we i aktiv long wan envaeromen we i save gat eni jalenj long hem. Hem i impoten tu blong mas gat eksperiens mo save long saed blong ol diplomatik operesen.
- Gat wan minimam blong wan Mastas Digri long wan long ol fil ia: Ekonomiks, Intanasenol Rilesen, Diplomasi, Politikal Saens, Intanasenol Loa, Pablik Polisi, Manejmen/Bisnis administresen o wan semak fil olsem, long wan institusen we oli luksave;
- Mas gat wan minimam blong ten (10) yia eksperiens long fil blong Intanasenol Rilesen, Tred mo/o diplomasi, long wan sinia eksekutiv level;
- Mas gat gudfala save mo klia andastaning blong ol developmen praeoriti blong Vanuatu Gavman;
- Mas gat wan gudfala save long saed blong diplomasi, wetem kapasiti blong luksave, developem mo yusum gud ol ekonomik opotuniti blong mekem sosio-ekonomik gro mo developmen blong Vanuatu i kam strong moa;
- Mas gat wan gudfala save long saed blong ol developmen praeoriti blong Vanuatu Gavman tru long NSDP, mo ol nasenol developmen proses;
- Save developem ol polisi opsen mo givim advaes long saed blong polisi; mo
- Save gud ol politikal mo ekonomik developmen long Japan;

OL NARAFALA KRAETERIA WE OLI WANTED:

- Gat wan strong save long saed blong bisnis mo gat save blong olsem wanem blong faenem, setemap mo konektem bisnis/ekonomik opotuniti blong mekem ekonomik blong Vanuatu i gro kam strong;
- Gat gudfala eksperiens mo skil blong negosiet mo bildim network;
- Gat gudfala skil long saed blong analaesem samting mo mekem drafting; mo
- Save toktok mo raetem gud long English langwis, be hem i gud sipos hemi save toktok long tu (2) langwis.

APLIKESEN I MAS KAM WETEM OLGETA SAPOTING DOKIUMEN IA:

- Wan CV we oli apdeitem wetem ol kwalifikesen, histori blong wok mo ol refrens;
- Wan kopi blong ol hae kwalifikesen we i kam long akademik institusen we oli luksave;
- Wan polis kliarens we i kam long stret Otoriti long rikod blong apliken;
- Wan pepa we i kam long Ofis blong Sitisensip we talem se apliken hem i sitisen blong Vanuatu nomo mo hem i nogat tu (2) sitisensip;
- Wan Bet Setifiket;
- Wan Medikol Ripot (we i no bitim wan manis yet) mo
- Wan stetmen we i sapotem aplikesen, wetem wan minimam blong 3 pej, we i tokabaot hao yu mitim ol seleksen kraeteria.

FOLEM OLGETA PROVISEN LONG FOREN SEVIS AKT 20 BLONG 2013, BAMBAE OFIS I NO SAVE AKSEPTEM WAN APLIKESEN SIPOS MAN WE I APLAE I NO GIVIM ENI DOKIUMEN WE OLI ASKEM ANTAP IA.

RAETEM APLIKESEN MO SENDEM I KAM LONG:

Daerekta Jenerol
Ministri blong Foren Afea, Intanasenol Koperesen & Ekstenol Tred
Independence Garden
PMB 9051
PORT VILA

- Aplikesen i klos long 1700hrs, long FRAEDEI namba 14 OKIS 2026.**
- Ol aplikesen tru long imel, oli mas sendem i go long HR seksen blong Ministri long: atokona@mofa.gov.vu mo putum narafala imel ia long kopi: mkalmet@mofa.gov.vu**
- Bambae mifala i NO akseptem olgeta aplikesen we oli kam let.**